

## A Ilay mpiady mahery (Salamo 18).

- ❖ Manan-kery hiaro antsika ve Andriamanitra? Eny, manana Izy (Sal. 18:2).
- ❖ Afaka mahita an'Andriamanitra maneho ny tenany ho toy ny mpiady mitaingina soavalny isika; mampihozongozona ny tany sy mampiakatra setroka sy afo rehefa mifoha; mandringana ny fahavaloo amin'ny feony mahery; mampiasa ny herin'ny natiara ho zana-tsipikany; ary amin'izany no hanafahany izay mitaraina Aminy (Sal. 18:7-18).
- ❖ Na dia mpiady mahay aza i Davida, dia tsy nitoky velively tamin'ny herin'ny tenany izy, na ny fahiratan-tsainy, na ny fahaizany mampiasa fitaovalam-piadiana. Ny fandreseny rehetra dia avy amin'Andriamanitra izay niady ho azy mandrakariva (Sal. 18:47-48).

## B Fitsarana:

### ❖ Ny fitsaran'Andriamanitra (Salamo 41).

- Asehon'ny Baiboly mazava tsara fa tsy mandefittra amin'ny tsy rariny Andriamanitra. Raha mitaraina amin'Andriamanitra ny malahelo na ny ampahorianana, dia mitsangana hanome rariny azy Izy (Sal. 12:5).
- Rehefa nahatsiaro ho marefo sy narary Davida, ary naniry mangingina ny hahafatesany ny namany, dia nitaraina tamin'Andriamanitra izy (Sal. 41:7-9). Niaiky ny tsy fahamendrehan'ny tenany izy, ka nametraka ny aminy teo am-pelatanan'Andriamanitra feno famindram-po, ary natoky fa hihaino azy Izy (Sal. 41:4, 11-13).
- Ny fihetsik'Andriamanitra amin'ireo mila vonjy dia miantso antsika hahatsapa toy izany koa, izany hoe tokony hikarakara azy ireo isika. Mamaly soa an'izay manana izany toe-tsaina izany ny Tompo (Sal. 41:1-3).

### ❖ Ny fitsaran'olombelona (Salamo 82).

- Nomen'Andriamanitra fahefana hitsara ireo mpitarika ny vahoaka, ka ny mpanjaka no mpitsara lehibe indrindra teo amin'ny Isirael (Sal. 72:1-2). Antsoina hoe "andriamanitra" ireo mitsara amin'ny alalan'ny fahefana avy amin'Andriamanitra (Sal. 82:1).
- Mihoatra ny olon'Andriamanitra io fanomezam-pahefana io. Izay rehetra manana fahefana hitsara dia manao izany ho avy amin'Andriamanitra, na dia tsy fantany aza izany (Jao. 19:10-11; Rom. 13:1).
- Ny fahefana izay azony dia mahatonga azy ireo ho tompon'andraikitra eo anatrehan'Andriamanitra ny amin'ny fomba fanehoany ny fahamarinana (Sal. 82:2).
- Andriamanitra no manoro ny fomba tokony hitsarana ny olombelona (Sal. 82:3-4). Raha manao izany araka ny tokony ho izy izy ireo, dia raisina ho toy ny "zanaky ny Avo Indrindra" (Sal. 82:6). Raha tsy izany, izy ireo no hiharan'ny fitsaran'Andriamanitra (Sal. 82:7-8).

## D Ny sedra:

### ❖ Ny fahatezeran'Andriamanitra.

- Ahoana no ahafahantsika mampifanaraka ny teny ao amin'ny Salamo 137:9 – "Sambatra izay maka ny zanakao madinika ka manjera azy ho torotoro, amin'ny harambato" – amin'ny fangatahan'i Jesosy ny hitiavantsika na dia ny fahavalontsika aza?
- Henjana sy mahasakodiavatra ny salamo izay miantso an'Andriamanitra hanao valifaty sy handrotsaka ny fahatezerany amin'ny olona. Indrindra rehefa mby ao an-tsaina ny fahatezerantsika sy ny fanaontsika rehefa hamaly faty.
- Kanefa, na oviana na oviana ny mpanao salamo dia tsy nikasa hamaly faty ho an'ny tenany velively. Aoka ho an'Andriamanitra izany asa izany, fa Andriamanitra irery ihany no afaka manao ny tena fahamarinana, ary manome ny olona araka izay sahazan'ny asany avy.
- Nomena antsika ireo tsindri-mandry ireo mba ho hitantsika mazava fa tsy azo hamaivamavainina ny tsara sy ny ratsy. Misy vokany ny ratsy, ary ny fahatezeran'Andriamanitra no hany fomba hamongorana azy.

### ❖ Ny Fitoerana Masina (Salamo 99).

- Mifandray akaiky amin'ny Fitsarana ny Fitoerana Masina any an-danitra. Ao amin'ny Masina Indrindra, izay anjakan'Andriamanitra “mipetraka amin'ny kerobima” (Sal. 99:1), no hanatanterahana ny asa fitsarana (Dan. 7:9-10).
- Eo no toerana izay ahazoana famelan-keloka sy fanomezana rariny. Midika ho famotsoran-keloka ho an'izay mifikitra amin'ny Mpamony ary fanamelohana ho an'ireo mandà Azy izany (Sal. 1:5-6).
- Araka ny aseho mazava tsara amin'ny alalan'ny fiaran'ny fanekena, ny Fitsarana dia mifototra amin'ny fanatanterahana na fandikana ny Lalàn'Andriamanitra, dia ny Didy Folo.
- Matoky ny famelan-keloka avy amin'Andriamanitra, ny mpanompon'Andriamanitra dia miandranda ny ora fitsarana, ary mitalaho ny amin'ny hahatongavan'izany mba ho tanteraka ny rariny amin'ny farany (Sal. 7:6-8; 9:19; 67:4; 99:4; 135:14).